



## Indgået

21 JULI 2017

Inatsisartunut ilaasortaq,  
Maani/

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

### § 37 naapertorlugu apeqquteqaammut nr. 2017-178-mut akissutit

Ulloq: 14-07-2017  
Suliap normua:  
All nr: 5789579

Inatsisartut suleriaasianni § 37, imm. 1 naapertorlugu, *Arctic Prime Fisheries aamma Iluliaq Seafood pillugit Naalakkersuisunut apeqquteqarputit*. Apeqqut uanga suliaasaqarfisannit akineqartussanngorlugu innersuunneqarpoq.

Postboks  
269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

- 1. Aalisarnermut Naalakkersuisup Inatsisartut §37 naapertorlugu apeqquteqaammut nr.160-mut akissuteqarnermi tunngavilersuutigaat Aalisarnermut Inatsit 24, stk.1, tamanna tunngavilersuut itisilerlugu nassuiarneqarsinnaanerpa?**

Misileraalluni aalisarnek pillugu malittarisassat Aalisarnek pillugu Inatsimmi § 24, imm. 1, imm. 2-mik tunngaveqarput. Matuma kingorna misileraalluni aalisarnek pillugu malittarisassat aalajangersarnissaannut Naalakkersuisut piginnaatitaapput. Malittarisassat taakkua akuersissutit pillugit nalunaarummi §§ 9-11 naapertorlugit aalajangersarneqarput, misileraalluni aalisarnermut akuersissutit agguuassineri nalilersuineq pingaarnersiorneqarpoq. Matumani § 9, imm 1, 2 imm, immikkut erseqqissarneqarsinnaavoq, matuma kingornagut misileraalluni aalisarnermut akuersissut aalajangersimasumik naliliinikkut Naalakkersuisunit suliarineqartussaavoq. § 9, imm 1, nr 1-4 naapertorlugu, pissutaaqataasut arlallit akuersissutip qanoq tunniunneqarsinnaaneranut pingaartinneqarput. Taamaalilluni piumasaqaatit taakkua misileraallunilu aalisarnermut ataasiakkaanut Naalakkersuisut piumasaqaataat, kiisalu Naalakkersuisut ataatsimut aalajangersimasumik naliliinerat tunngavigalugit, misileraalluni avaleraasartoorniarnermut akuersissut tunniunneqartarpoq.

- 2. Aalisarnermi Pisortaqarfimmiit Artic Prime Fisheries pisassinneqarnissaanik innersuuisisimaneq, soormitaava Naalakkersuisuniit malinneqarsimangitsoq?**

Aalisarnermut sulianut tunngasunut naliliineq suliaavoq, naalakkersuinikkulli aalajangiineq allaavoq. Naalakkersuisut Aalisarnermut Piniarnermullu Naalakkersuisoqarfiup inassuteqaataa malinniarnagu toqqarsimavaat, pissutigalugu sulianut tunngasutigut piumasaqaatit saniatigut aalajangersimasumik uuttoorneqarsinnaasut allat arlaqartut pingaartinneqarsimammata.

- 3. Siorna APF pisassiisutit tamakkersimanginneri pisasseqqinneqannginnerannut tunngaviunerluni?**

Naamik, APF-imut pisassiissutinik tunniusseqqinngitsoornermut ukiup siuliani pisassiissutit tamakkersimanginneri atorneqanngilaq.

#### **4. Kujataani Iluliaq Seafood-mut pisassiineq sumik tunngaveqarpa?**

Siullerpaamik immikkoortoq 2-mi avaleraasartuunik pisassiissutinik tunineqarnissamut Naalakkersuisut piumasaqaataat Iluliaq Seafoodip naammassivai. Tulliullugu Iluliaq Seafood ingerlatseqatigiiffinnut piumasaqaatinik naammassinnittunut ilaasoq Naalakkersuisunit toqqarneqarpoq.

#### **5. Iluliaq Seafood kiffartuusinissamik isumaqatigiissuteqarfigineqarsimava?**

Naalakkersuisut Iluliaq Seafood A/S-mik kiffartuusinissamik isumaqatigiissuteqanngillat. Naalakkersuisoqarfik 2016-imi suliaassanuinaq 2016-imut kiffartuusinissamut isumaqatigiissuteqarpoq.

#### **6. Qanorlu isikkoqarpa?**

2016-imut kiffartuusinissamut isumaqatigiissut suliniutinut piumasaqaatinik makkuninnga imaqarpoq:

1. juunimi isumaqatigiissutip isumaqatigiissutigineqarnerani akileraat (250.000 kr.) akileneqassaaq. Kalaallit niuerfianni piginnaatitaaneq angoqqinniarlugu imermik misiligitinut qerisunillu misiliinermut aningaasat ilaatigut atorneqassapput.

2. ingerlatseqatigiiffiup kalaallit niuerfianni piginnaatitaaneq angusimallugu uppersarsinnaappagu, akileraat (250.000 kr.) akileneqassaaq.

3. ingerlatseqatigiiffiup suliniutit qaffasissusiannut piumasaqaatit aalajangersakkat kiffartuusinissamut isumaqatigiissummiittut uppersarsinnaappagit, akileraat (250.000 kr.) akileneqassaaq.

Akileraat siulleq ulloq 30/6 2016 akileneqarpoq siunertaqarsimallunilu, ingerlatseqatigiiffiup kalaallit niuerfianni piginnaatitaaneq angussagaa. Akileraatit aappaat ulloq 25/11 2016 akileneqarpoq, pissutigalugu ingerlatseqatigiiffiup piginnaatitsissut taanna angusimallugu uppersaammik nassiussimmat.

ISNNN-ip ulloq 8 februaari 2017-imi Iluliaq Seafood A/S nalunaarfigaa, akileraatit pingajui akileneqassanngitsut, pissutigalugu kiffartuusinissamut isumaqatigiissummi suliniutit qaffasissusiannut piumasaqaatit aalajangersakkat ingerlatseqatigiiffiup piffissap killiliussatut aalajangersakkap iluani uppersaatait naammattut nassiussimangimmagit.

Inussiarnersumik Inuulluaqqusillunga

  
Karl-Kristian Kruse

Aalisarnermut Piniarnermullu Naalakkersuisoq